

Vaajlugkub rua Mivnyuas Yau  
Nthuav Tawm

Thaum Vaajtswv  
Tsim Txhua Yaam



Tug Sau yog: Edward Hughes

Tug Kus Dluab yog: Byron Unger; Lazarus  
Alastair Paterson

Tug Hloov yog: Bob Davies; Tammy S.

Tug Txhais yog: Andy Yang

Tug Tsim yog: Bible for Children  
[www.M1914.org](http://www.M1914.org)

©2020 Bible for Children, Inc.

Ntawv Tso Cai: Koj muaj cai muab zaaj nuav kaij lossis luam,  
tsuav yog koj tsi xob muab muag xwb.



Leejtwg tsim peb? Phoo Vaajlugkub, Vaajtsvv Txujlug, qha has tas noobneej tshwmsim lug le caag. Tau ntev lug lawm, Vaajtsvv tsim thawj tug tuabneeg hab tis nwg npe hu ua Adaas. Vaajtsvv tsim Adaas tawm ntawm moov aav lug. Thaum Vaajtsvv tshuab paa rua Adaas, nwg muaj sa tuaj. Nwg nyob rua huv ib lub vaaj kws hu ua Edees.



Uantej Vaajtswv tsim Adaas, Nwg tsim ib lub  
nplajteb zoo nkauj heev kws muaj tau yaam zoo heev.  
Vaajtswv tsim tej tojroob hab tajnraag, tej paajntoos  
tsw qaab hab tej ntoo sab sab, tej noog kws muaj tis  
ci hab tej muv kws yaa nrov ziv, tej ntseg luj kws luam  
dlej hab tej qwj kws nplag leev. Tseeb tag,



Puag thaum chivkeeb lug, uantej kws Vaajtswv  
tsim ib yaam dlaabtsi, tsi muaj  
dlaabtsi le tsuas yog Vaajtswv  
xwb. Tsi muaj tuabneeg lossis  
tej qhovchaw lossis ib yaam  
dlaabtsi le. Tsi muaj  
ib yaam dlaabtsi le.

Tsi muaj qhov kaaj  
ntug hab tsi muaj qhov  
tsaus ntuj. Tsi muaj  
qhov moog sau hab qhov  
moog huv. Tsi muaj naagmo  
hab tsi muaj pigkig. Tsuas muaj Vaajtswv  
tuableeg xwb tug kws tsi muaj qhov pib.  
Ces Vaajtswv txawm pib ua dlejnum!




Thaum chivkeeb, Vaajtswv tsim  
lub ntuj hab lub nplajteb.



Hab lub nplajteb tsi muaj  
dlaabtsi hab nyob dlo  
dlus. Hab tsaus  
ntuj nti thoob  
plawg sau  
nplaim dlej  
havtxwv.


Ces  
Vaajtswv  
txawm  
has.  
"Cale  
muaj  
qhov  
pumkev."



Hab txawm pumkev tuaj. Vaajtsvv tisnpe rua qhov  
pumkev hu ua Nruab Nub hab Nwg tis qhov tsaus  
ntuj hu ua Mo Ntuj. Hab muaj caij tsaus ntuj hab  
muaj cai kaaj ntug yog thawj nub.



Rua nub ob, Vaajtswv cais tej dlej nyob huv havtxwv, tej havtxwv hab tej paagdlej nyag nyob muaj nyag chaw huvqaab Ntuj Ceebtsheej. Rua nub peb, Vaajtswv has tas, "Cale muaj aav qhuav tshwm tuaj." Hab nwg cale muaj.



Vaajtswv saamfwm kuam tej nroj hab paajntoos hab  
nrojtsuag hab ntoo cale tshwm tuaj. Hab  
puab txawm tshwm tuaj. Hab  
muaj caij tsaus ntuj hab  
muaj cai kaaj ntug  
yog nub peb.




Ces Vaajtswv txawm tsim lub nub,  
hab lub hli, hab ntau ntau lub nubqub  
kws tsi muaj leejtwg suav txheeb  
le. Hab muaj caij tsaus ntuj hab  
muaj cai kaaj ntug yog nub plaub.



Tej tsaj nruab dleg hab ntseg  
hab noog yog tej yaam kws  
Vaajtswv yuav tsim ntxiv.  
Rua nub tsib Nwg tsim tej  
ntseg luij luij kws muaj kaugnav  
ntse hab tej ntseg miv miv, tej  
qab ceg-ntev hab tej noog  
ntxuaj tis ceev kws zoo zoo  
sab heev. Vaajtswv tsim txhua  
yaam ntseg puv nkaus tej dlej  
nyob huv nplajteb nuav hab  
txhua yaam noog nyob sau tej  
aav hab havtxwv hab nruabntug.  
Hab muaj caij tsaus ntuj hab  
muaj cai kaaj ntug yog nub tsib.



Tom qaab ntawd, Vaajtswv rov has dlua. Vaajtswv has tas, "Ca lub nplajteb cale tshwm muaj txhua yaam tsajtxhu..." Txhua yaam tsaj hab kaabntsauum hab naab qaadlev txawm tshwm muaj tuaj. Nwg muaj tej ntxhw kws tsuj ua aav tseeg nkawg hab tej naagkus dlej kws najnub txav ntoo. Tej lab txhojpob hab tej kheb xyobtxhaj.




Tej caab nplagleev hab tej ca ncaujpuv. Tej neeg cejdlaab ntev kws sab sab hab tej miv kws nyooj pws. Txhua yaam tsaj yog Vaajtswv tsim nub ntawd.

Hab muaj caij tsaus ntuj hab muaj cai kaaj ntug yog nub rau.




Vaajtsvv tsim ibyaam ntxiv rua nub rau ntawd hab -  
ibyaam tshwjxeeb heev. Zag nuav muaj txhua yaam  
txhij rua Tuabneeg. Nwg muaj zaubmov nyob tom  
tajnraag hab muaj tsaj lug koom nwg. Hab Vaajtsvv

has tas, "Ca Peb tsim  
tuabneeg kuam muaj  
yaamntxwv zoo le  
Peb. Ca nwg muaj  
fwjchim kaav  
taagnrho txhua  
yam huv  
nplajteb."



YOGLE VAAJTSWV TSIM TUABNEEG MUAJ  
YAAMNTXWV ZOO LE NWG; VAAJTSWV TSIM  
KUAM TUABNEEG MUAJ TUG YAAMNTXWV ZOO  
LE NWG ...



Vaajtswv has  
rua Adaas. "Noj  
txhua yaam kws  
koj ntshaw huv  
lub vaaj. Tabsis  
tsi xob noj tsob  
txiv kws ua rua  
paub qhov phem hab  
qhov zoo. Yog koj  
noj tsob txiv ntawd  
nub twg ces koj yuav  
tuag nub ntawd."



Hab tug TSWV kws yog Vaajtswv has tas, "Nwg  
tsi zoo kws ca tug txivneej nyob ib leeg. Kuv yuav  
tsim ib tug paab lug rua nwg." Vaajtswv coj txhua  
yaam noog hab tsajtxhu lug rua Adaas.  
Adaas tisnpe rua txhua yaam. Ntshai  
nwg yuav txawjntse heev mas txhaj  
le muaj peevxwm ua tau. Tabsis  
taagnrho tej noog hab tsajtxhu  
tsi muaj ib tug kws zoo ua khub

nrug Adaas le.



Vaajtswv ua rua Adaas tsaug tsaugzug heev.

Vaajtswv txaj muab tug txivneej kws tsaugzug ntawd ib tug txhaa taav rhu tawm, Vaajtswv muab

Adaas tug txhaa taav lug tsim ib tug Quaspuj. Tug quaspuj kws Vaajtswv tsim mas phim nkaus rua Adaas ua khub.



Vaajtswv siv rau nub lug tsim txhua yaa.

Ces Vaajtswv foom koobmoov rua nub xyaa  
hab muab ua nub su. Nyob rua huv lub vaaj  
Edees, Adaas hab Evas nwg tug quaspuj  
muaj kev kaajsab lug coj lawv le Vaajtswv  
has. Vaajtswv yog obtug tug TSWV,  
tug Pub Txhuayaam rua obtug  
hab yog obtug le  
Phoojywg.



Thaum Vaajtswv Tsim Txhua Yaam

Ib zaaj huv Vaajtswv Txujlug,  
phoo Vaajlugkub,

yog nyob rua huv

Chivkeeb 1-2

“Lub chaw rua Koj cov Lug nkaag kws muaj  
teeb ci.” Ntawv Nkauj 119:130





Qhov Xaus



Zaaj Vaajlugkub nuv qha peb txug peb tug Vaajtsvv  
zoo kawg nkaus kws tsim peb hab Nwg xaav kuam koj paub Nwg.

Vaajtsvv paub has tas peb tau ua ntau yaam phem, kws Nwg hu ua kev txhum. Txuj kev rau txim rua kev txhum yog kev tuag, tabsis Vaajtsvv hlub koj kawg le kws Nwg xaa Nwg tuitableeg Tub, Yexus, lug tuag sau ib tug Ntoo Khaublig hab raug rau txim hloov koj txuj kev txhum.

Tomqaab ntawd Yesus sawv rov lug muaj sa hab rov moog nyob nwg lub tsev sau Ntuj Ceebtsheej! Yog koj ntseeg Yesus hab thov kuam Nwg zaam koj tej kev txhum, Nwg yuav ua le ntawd! Nwg yuav lug nyob huv koj taamsim nuav, hab koj yuav nrug Nwg nyob moog le ib txhis.

Yog koj ntseeg has tas nuav yog qhov tseeb, ha le nuav rua Vaajtsvv: Aub Yesus, kuv ntseeg has tas Koj yog Vaajtsvv, hab lug yug ua ib tug tuabneeg lug tuag hloov kuv tej kev txhum, hab nwgnuav Koj tseem muaj sa nyob. Thov Koj lug nyob huv kuv lub neej hab zaam kuv tej kev txhum, sub kuv txhaj le muaj txujsa tshab taamsim nuav, hab ib nub moog nrug Koj nyob moog ib txhis. Thov paab kuam kuv noog Koj lug hab ua neej rua Koj le Koj tug mivnyuas. Amees.

Nyeem phoo Vaajlugkub hab nrug Vaajtsvv sibthaam txhua nub!  
Yuhaas 3:16

